

永樂大典卷之一萬三千七十四 一送

洞

清苓洞

與地紀勝清苓洞在徽州府婺源縣西
八十里南北門相通中有物象如靈巖

青蘿洞

縣郡

志青蘿洞在四川順慶府遂州良山縣呈源志青蘿洞記余握婺源印
八百五十日沿檄之特溪里里儒張君昭袖詩來訪于臨河院且言距院
十里有青蘿洞唐元和中王維馬知識題墨尚炳然於岩壁間鄙心素樂
靜虛聞其言若有以引其思者因馮軾東首而游焉洞之頂上覆以巨石
其高數仞縱廣如之竅竇險隘初若不可入東燭揚炬左杖右策未十步
間難阻即平其中宏廓悒悒周密物象森列天巧所運頓然踰丈端立不
倚曰石天尊圓頂數十駢羅前後曰行道岩撐突騰奮類湧濤堆雪之狀
曰潮來峯紋理纒聯色若繪綉曰花靴石乳漏堅凝玉立對峙者石天柱
也吁哇間錯砂顆米繫者石芝田也石鍾僅餘尋丈以物槌叩則聲實似
之石天井者突峻而深黑投之以塊徐聞水聲非可以工力窮也塊墮叢

夥。未易殫述。飽觀周覽。使人有飄飄物外之騁。已而歎曰。三山在萬里風濤之外。弃父母鄉。形骸卒甘於蛟螭鯨鯢之舌者多矣。若茲洞也。介夫小麓之隈。平壤之畔。世鮮有知者。自元和迄今。僅三百年。閱其題墨。獲游者不過數四。豈天地祕願靈跡不欲發露。尋常之觀耶。豈人日汨於公麼之物哉。不知清淨之為樂耶。抑亦法守之可畏而不克盤旋於此耶。茲三者吾莫得而知也。姑述大槩以貽于後。云元豐五年十月既望。方洵武記。

煙蘿洞

元一統志。煙蘿洞在浙江衢州府江山縣南五里。景星之西。巖廣可容二丈。怪石嶢絕。可畏清獻趙公并留題云。怪

石嵯峨。勢若摧洞。門不鎖。鎮常閉。虧心不合。神明者到此應須懶入來。相傳煙蘿子隱。其間宋謝翱。啼髮集煙蘿洞。山人掛綠蘿。亂後到人多。夜久積空翠。天深聞擢歌。倚龍疑井厭。看鶴值仙過。搔首愁紛白。無窮奈此何。鵲山單麻洞。元一統志。

鵲山單麻洞

元一統志。鵲山單麻

洞在廣東南

古瀛洞

潮州圖經志。古瀛洞在廣東潮州府鳳山樓之下。葉侯觀所經理。前繪列仙後傍城疊石。

汲水為流觴。左右二亭曰款涼。延光古桂婆娑。具載唐曾之記。

隅凡洞

周密登懷錄。洪景盧云。林屋洞。天太湖龍窟也。土民

俗傳云欲雨時洞口出雲如饋餽西邊石鋒森如戈矛不可觸下皆青泥
突過若龜背不容着脚俯伏捫索乃得進謂之龍檻跨檻迤邐曰隔九洞
遙見雙石扉半開半闔中屹大柱即包山志所載林屋玉柱也

四基洞

瑞陽志四基洞在江西瑞
州府新昌縣千春南鄉離

縣一百里去棲
真寺百餘步

高居洞

金陵志高居洞在直隸應天府句容
縣積金峯南與羅姑洞並石限界之

智菴洞

馮子振詩妙智菴洞栖霞頂菴東剝鑿之餘石如懸磬洞
有二亭新知妙智本虛空待免雲菴更守株自要嵌岩

光景露不緣錐鑿肺腸枯若言物色教渠羨何處
藏林此洞無聊復為君拈半筆天成畫卷總難圖

玉柱洞

金陵志
玉柱洞

在直隸應天府句容縣華陽西
洞南中積石乳四面僅容人行

石屋洞

句容縣志石屋洞在直隸
應天府句容縣煙霞石塢

南山大仁院洞極高狀似屋周迴錫羅漢五百十六身中
間鑿釋迦佛諸菩薩像直下洞極底有泉詳見大仁院

王屋洞

洞宵宮志王屋洞在河南懷慶府權德輿詩
拾歲在芝田歸程入洞
天白雲辭上國青鳥會群仙自以棋消日寧資藥駐年相看話離合風馭

忽冷然

石舍門洞

雲南志石舍門洞在雲南曲靖府越州洞中廣闊深邃茂林修竹真別一天地昔有人嘗入洞

中意行五七日猶未能遍歷其地而出元一統志石舍門洞在四川潼川州遂寧縣大像閣下此堂宇之壯洞前大江匯為淵潭

屋洞

興地紀勝晏公類要云吳縣西南一百二十里有神景宮宮內有林屋洞洞有三門有石鼓石鍾又有隔九門唐皮日休陸龜

蒙有林屋洞詩任昉述異記林屋洞為左神幽虛之天即天后真君之便闕中有白芝紫泉皆洞所出乃神仙之飲餌非常人所能得之吳郡志皮日休入林屋洞詩齋心已三月筋骨如烟輕腰下佩金獸手中持大鈴幽塘四百里中有日月精連亘三十六各各為玉京自非心至誠必被神物烹顧余慕大道不能惜微生遂招放曠侶同作幽憂行其門繞函丈初若盤薄研洞氣黑眊眊髮紅鬢試足值坎窞低頭避崢嶸攀緣不知倦恠異焉敢驚匍匐一百步稍稍策可橫忽然白蝙蝠來撲松炬明人語散瀕洞石響高玲瓏脚底龍蛇氣頭上波浪聲有時若服屢偏仄如見繡俄爾造平澹豁然逢光晶金堂似鑄出玉座如琢成前有方丈沼凝碧融人清雲氣湛不動商露涵而聲漱之恐滅莽勺之必延齡愁為三官責不

敢剪一瓢昔云夏后氏於此歲真經刻之以紫琳祕之以丹瓊期之以萬祀守之以百靈焉得彼丈人竊之不加刑石簣以一出左神俄不扁焉書既云得吳國由是傾鮮遂纔半尺中有恆物腥欲去既嘆惜將迴又伶俜却遵舊時道半日出杳冥履泥去聲惹石髓衣濕霑雲英玄錄乏仙骨青文無絳名雖然入陰宮不得朝上清對彼神仙窟自厭濁俗形却憎造物者遣我騎文星唐陸龜蒙詩入林屋洞知名十小天林屋當第九人間三十六洞天知名者十其餘二十六天出九微志未行於世題之爲左神理之以天后林屋洞爲五神幽虛之天即天后真君之使相魁堆辟邪輩在右專備守自非方瞳人不敢窺洞口唯君好奇去復嘯忘情友致傘在風林低冠入雲窻中深劇苔井傍坎纔藥臼石角忽支頤藤根時束肘初爲大幽恠漸見微明誘屹若造靈封森如達仙藪嘗聞白芝秀狀與琅花偶又坐紫泉光甘如酌天酒白芝紫泉皆此洞所出乃神仙之飲餌非常人所能何人能挹酌餌以代漿糗却笑探五符徒勞步雙斗真君不可見焚與空遲久春戀玉碣文行行但迴首宋范石湖大全集林屋洞仙經一名左神幽墟洞天正洞門在觀中出觀左門又有二門一名雨洞一名暘洞擊水搏風浪雪翻烟消日出見仙村舊知浮玉北堂路今到幽墟三洞門

石燕翔飛遮炬火金龍深阻護巖根實鍾靈鼓何須扣庭柱霄疑是宵宇
晨已默存高趾堂存彙集題林屋洞天將返鴻夷棹聊觀古洞天蒼崖環
谷口圓嶠結湖堦大藥漸無質還丹莫浪傳其區如弱水重到定何年陳
舜俞集林屋洞洞天三十六第九曰林屋神仙固難名環怪存記錄曠
歲懷尋賞茲辰幸臨曠馳神在真游豈復揣深谷解戰納芒履燃松命先
燭初行已僂僂漸入但旬旬顧瞻避衝磕潭潭沒手足如此百餘步始可
立寓目或垂若鍾簾或植若旌幟有如案而平有類几而曲鐫刻非人工
晶瑩繁黃玉遙知竅穴外定有金庭籙元肌不可往叩擊安敢隳鸞鳳無
消息但見白蝙蝠却還望微明既出猶喘促沾衣
憐石髓孰悔泥塗辱庶幾達微慕養生相吾福

石室洞

元一統志石室

洞在廣東潮州府梅州距州城北一百里名曰應山洞在摧鋒駐劄寨之
旁穴竇深二十丈許中有石鼓石柱石天窓之屬又有小溪潺湲臨安志
石室洞在浙江杭州府餘杭縣大滌山中峯之前有巖竇石梁洞外泉脉
垂溜注于石梁之下洞初未顯吳從竹從均解化於宣城指門人藏書劍于
此尋訪果得之又按景行錄云西麓有巖扉石座自然成備蓋不止乎書
劍亦天師藏真在焉按石精金光經言曲晨飛精藏景錄神劍解之道允

整過太陰紫肥鍊度皆四百年其藏必發蓋數足運會真靈自有以發之耳。今天師石室之藏巖扉呀煦蓋驗此經之說山腰有石窪樽洞有石茶竈皆仙家遺跡隱士陸凝之永仲嘗築室于是號石室先生云。洞霄宮志石室洞在杭州府大滌山一名東玲瓏在大滌山中峯前百虎山下洞中三穴若品字透見天日門有石梁橫界泉脉消涓注石梁下引而瀦之可供十餘人居者賴之相傳郭真君登山採藥嘗濯于此名洗藥泉郡志云。吳天師筠修煉之所天師既尸解於宣城指令門人藏書劍於此洞有石室故以名之又景行錄載天師云當仙神于天柱石室蓋太上俾我煉蛻之處故卜其西麓果有石坐巖扉自然成備如是則不惟書劍亦天師藏真焉按石精金光經言曲晨飛精藏景錄神劍解之道允暫過太陰紫胞煉度皆四百年所藏必發蓋數足運會其靈自有以發之耳舊志謂天師石室之藏巖扉呀啓信也山腰有石窪樽石茶竈皆仙家遺跡往年有葉道人居之一日見巨蛇自山頂下其首墜地聲如墮石身作漆黑色目廣若杯倒懸山椒引首入洞飲水良久復上數日又來熟於離間窺之似覺爲人所見其去差速是夜偏山作風雨聲疑爲發洪而晦冥不敢出戶達旦乃止視天宇澄霽亦無所謂水豈神蛇爲是邪自是不復來錢塘韋驥

集石室洞

天

王峯南石室洞惟特不與尋常同石門曉巖天所鑿門內

夷曠驅車通偃然靈穴邃且廣步履出沒忘西東其間異狀多所類懸乳

往往成鼓鍾龜頭俯視露巖腹壽與歲月應無窮團團一竅透千尺天使

日月光來容洞前佛氏殿閣峻相直氣象增其雄我爲俗吏雖踟躕所至

安肯遺幽蹤金華靈巖著於藝每越疆境爲遊從嘗恨昔年之富川使道

不得尋龜峯塵懷不愜十餘載每見圖畫加忡忡去春來此路復過藍輦

暮觸煙靄重縱觀雖未盡吾興聊塞所欲平飢空到官萍邑已逾歲坐擁

民事勞頗蒙滯祛敝革固用日佳趣不暇先牢籠爾來公餘得茲洞踈爽

爲我開情悰金華龜峯雖未及此地有此爲難逢謾拈秃筆寫白石但記

姓字於其中卻登淨宇祇獨宿清牢壓旦還撞春歸鞭遽去有餘約後會

結客臨春風洞霄詩集葉林石室洞詩 低垂石室洞杖履易躋攀有路

穿雲窟無門對月關誰騎仙鹿去我咲國蝸跼若使今猶昨清霄聞珮環

洞天留題集吳衍石室洞詩 岩實給研駕石梁嵩

山書劔百年藏雲仍欲訪遺蹤跡泉溜消消古木蒼

三室洞在湖廣長沙府醴陵縣去王仙登直觀三里故老云王喬煉丹之

所山皆石壁下有三室洞中有丹竈石床石案惟白雲洞微明極處有小

三室洞

元一

統志

溪限隔不可渡
莫窮水之來去

石廊洞

安福志石郎洞在吉安府安福縣西一百三十里洞門廣丈餘澗水從中出冬夏不

竭溉田數百頃鄉人秉炬而入初若路絕稍前數步則平坦空曠可容千人如是數處其間多白石顏色瑩皎有石鍾石鼓石櫟石椎石床石蓮花

形狀詭異又深入一二里有巖竇直通嶺背好事者多遊焉永新志石廊洞在江西吉安府永新縣之西亭鄉洞門函丈澗水中出可溉田數百畝

劉龍雲先生集石廊洞詩君不見仙家三十六洞天西南太半盤蒼巖此外元陽擅新絕况有石廊人喜傳碧蓮參差隅地湧徙倚危梯飛蟬陰

陽洞戶半空開一縷照四愁寄踵萬鈞崖崑桂礪石吁可怪若若飛動天然湫面尋丈間寒掬初慳媪神捧紫崖蒙茸瑤草秀懸泉涓涓挹天酒淑

靈豈即乾坤私窟宅宛是神仙舊飛鳥點影陽光回遊子履深驚殷雷九夏三冬自回幹雨暘寒燠爭喧騰神物奄有似無謂突兀古廟當巖隈

颼颼舞助怪變落日愁絕松風哀瞰臨一方殆天意累露之危此其是仙乎仙乎胡不歸忍使秋磷泣陰鬼

石壁洞

處

府志石壁洞在浙江處州府青田縣西北六十八里抵永嘉縣南溪中有三石室初入一室廣可容數十人內跨石梁自梁下偃倮而入兩室最後

一室有

石乳泉石柱洞

處州府志石柱洞在浙江處州府青田縣西北六十里有石乳水

石鍾樓

洞

處州府志石鍾樓洞在浙江處州府青田縣石門東南一十餘里高在崖頂仰望巍然狀如寺觀鍾樓中有懸石如鍾形乳泉沿墜如踈

雨下有石梁擊其聲如鍾

石墻洞

處州府志石墻洞在浙江處州府青田縣石門西南二十餘里高崖屹立如墻因名中有

三潭神龍所居上潭心有石名龍眼次潭有石柱高二十餘丈傍有石梁三十餘丈橫跨儼如門形名為石門樓

門洞

元一

門洞在四川夔州府北一十里溪心有數十巨石參差排列如門限

石門洞

吉安府志石門洞在江西吉安府洞有二一在

永豐縣南一百六十里高六十餘丈廣二十里一在縣南一百八十里小溪中長二丈高三丈石崖峭立舟行其下與地紀勝石門洞在直隸滁州

全椒縣西北三十里儲家山之穴洞深數丈許其陵州志湖廣荊州府夷陵州宜都縣西五十里其地名白沙有洞名石門其穴深邃幽暗鄉民旱

祈禱執火進去一里許內復窄有水潭深不可測用小瓶汲水曾有應焉又一在州之西三十里其山巖如蓋內有一穴僅容一人凡遇旱鄉人于

此禱雨曾有感遂於門外立龍祠焉。餘寧府志石門洞在四川保寧府難江廢縣三十里在山腹每日出相射光明秀偉疑其為神仙窟宅。青田縣志石門洞在浙江處州府青田縣西七十五里兩峯壁立高數十丈相對如門因以為名洞東高巖有瀑布自上潭直瀉至天壁凡三百餘尺自天壁飛瀉至下潭凡四百餘尺一云自山頂飛落三百餘丈恐未必然今據實衡瀑布記上有軒轅丘按永嘉記石門洞周迴四十里青牛道士居之。謝靈運名山志曰石門山兩巖間微有門形故以為稱瀑布飛瀉丹翠交耀又云石門遡水上入兩山口兩邊石壁右邊石巖下臨澗水靈運為永嘉太守蠟屐來遊初開此洞唐李白贈魏萬詩云巖間謝康樂即其地也有瑩石門最高頂詩又石門新營所住四面高山回溪石瀨茂林修竹詩又石門巖上宿詩共三首梁丘希範唐立丹裴士淹郭密之皆有詩石刻今存刺史李季真作石門山記及李陽冰篆石已斷裂唐末洞廢不修宋皇祐元年郡守李克俞新之嘉祐中縣令朱失其名作石門亭王安石為之記紹聖三年郡守劉涇又新之作文以紀米芾書舊有亭曰噴雪嘉定元年趙守希明更名飛雪紹定間郡人何倅宗姚重建又更名曰自雨大德二年路總管李希謝一名梁兒亦建石亭自書其扁曰銀河萬古一名

城門山按謝靈運游山記城門山兩岩間如門形瀑布飛澗值風散而爲雨遇日化而爲青虹城門即石門也又道書載青田玄鶴洞天即此也唐武元衡詩元和癸巳歲余領蜀之七年奉詔徵還二月二十八日清明途經百牢關因題石門洞昔佩兵符去今持相印還天光臨井絡春物度巴山鳥道青冥外風泉洞壑間何慙班定遠辛苦玉門關歲時雜詠趙宗儒和黃門相公詔還題石門洞益部恩輝降同榮漢相還詔芳滿歸路輕騎出重關望日朝天闕披雲過蜀山更題風雅韻未絕翠巖間鄭餘慶和黃門相公詔還題石門洞紫氛隨馬處黃閣駐車情巖壑驚山勢淋澌戀水聲地分三蜀限關志百牢名琬琰攀酬郢徵言鼎鉉情洞霄宮志劉涇石門洞文宋景平中謝靈運守永嘉蠟屐得石門洞作詩遂爲東吳第一勝事梁天監中中書侍郎丘希範唐大曆中侍御史立丹刺史裴士淹皆繼作唐末喪亂洞廢不修宋景祐元年蜀人李光兪守郡初復古儀廢垂五十年紹聖三年蜀人劉涇守郡又新之洞去人遠溪山太陰松竹草昧瀑泉自雨不見秋色中有爽氣仙鬼各以爲家慈聞涕唾聲以人迹不至稱慶而樵漁私以生養有客舟過欲策杖往輒相問而迷曰可去虎豹出矣奇人杜穎佐郡行縣望洞天鬱羅泉流號呼疾持斧伐蒙密處至

泉四顧太息，寫其狀歸以示余。曰：妙物乃如此，仙都三岩非人間世也。飭
紹賓行其事，既而告成，茶煙犬吠，伐鼓擊樂，於是知有官宰仙鬼，失氣焦漁。
動色以一指心，力而回精神於久病既醉之餘。余雖未目擊而夢寐天道，
真奇觀哉。余官滿日可數，其後廢興未可知，使不幸廢，又五十年必有好
事君子加於前一等，與洞為林泉主人，因作記以祝仙鬼。樵漁曰：勿復期，
永廢可且同樂否也。謝靈運登最高頂，晨策尋絕壁，夕息在山樓，疏
峯抗高館，對嶺臨迴溪。長林羅戶牖，積石擁階基。連岩覺路塞，密竹使徑
迷。來人忘新術，去子感故蹊。活活石流駛，嗽嗽夜猿啼。沈冥豈別理，守道
自不攜。心契九秋幹，目翫三春美。居常以待終，處順故安排。惜無同懷客，
共登青雲梯。新營所住，躋險築幽居。披雲卧石門，苔滑誰能步。葛弱
豈可捫，嫋嫋秋風過。萋萋春草繁，美人遊不還。佳期何由數，芳塵擬瑶席。
清醕滿金樽，洞庭空波瀾。桂枝徒攀翻，結念屬霄漢。孤景莫與諉，俯濯石
上潭。仰看條上猿，早聞夕暉急。晚見朝日暝，崖傾光難留。林深響易奔，感往
慮有復。理來情無存，庶待乘日車。得以慰營魂，匪為衆人說。冀與知者論，
夜坐岩上。朝奉苑中，闌畏彼霜下歇。暝還雲際宿，弄此石上月。鳥鳴
識長悽，木落知風發。異音同致聽，殊響俱清越。妙物莫為想，芳醑誰與伐。

美人竟不來陽阿徒晞髮 泉上石室 清旦索幽異放舟越澗郊每安

蘭渚急貌貌苔嶺高石室貫林陬飛泉發山椒虛沈還千載崢嶸非一朝

鄉村絕間見樵蘇恨風霄傲我無邊覽總算美升喬虛域久韜隱始興心

賞交合歡不容言摘芳弄寒條 丘希範 神功不可限未見常疑無捫

天倒明玉蔽地瀉隋珠襲簪猶馬奔熟視如虹趨丹壁似繡被翠磴類羅

襦前瞻真刻峭旁觀復槃紆斑駁生虎紋參差出龍鬚金磴照石洞木蘭

潤仙衢琴君入釣鯉葉令去飛鳬客心勝奔電爲此總踟躕依依明月道

望望白雲隅歲寒方負載葉室請子居 丘丹 溪上望懸泉耿耿雲中

見披榛上岩岫峭壁正東面千仞瀉聯珠一潭噴飛霰差滿山響生覺

炎氛變照日類虹霓從風似綃練靈奇既天造惜處窮海甸吾祖昔登臨

謝公亦遊衍王程懼淹泊巖迴樹蒼蒼此來共賤役探討媿前彥永欲洗

塵纓終當惟此願 李白 縉雲川谷難石門最可觀瀑布掛北斗莫窮

此水端噴壁灑素雪空濛生晝寒却尋惡溪去寧懼惡溪惡也哮七十灘水

石相噴薄路創李北海岩間謝康樂松風和猿聲使素連洞壑 郭密之

絕境經耳目未嘗曠躋壁一窺石門險載滌心神憤洞壑閼金澗歌崖

磐石楞陰雲下暮暮秀嶺上層層千丈瀑流塞半溪風雨恒興餘志每愜心

遠道自私來輶廣儲侍祇命愧才能輟棹周氣象捫條慙騫崩忽如生羽
翼恍若將超騰謝客今已矣我來誰與朋裴士淹溪竹亂花鳥是月
春將暮登棧過崖畔空閒瞻瀑布千齡無斷絕百尺恒奔注高巖迸似珠
半壁灑如霧澹澹水澄澈欹傾石回護約房森自閑苔徑官誰遇天翠落
深沼雲華生輕樹班輪難効功嚴馬何能喻勝蹟蓋為寡斯遊誠可屢謝
公錫舊詞安得寢章句方干奔傾漱石亦噴苔此是便隨元化來長
片掛岩輕似練遠聲離洞咽於雷氣含松桂千枝潤勢蓋雲霞一道閒直
是銀河分派落無間碎滴濺天台陸游昔讀康樂詩夢到石門山中
有醉道士倒珮落其冠來詩一一是巖岩如屋寬噴薄三百尺萬珠落珮
珮峭壁天削成磐石容投竿摩挲蒼蘚字喟發千載嘆老洪夢中舊兩臉
依然丹語我君小留山孰勿嫌酸澗果四時有收拾苦不難旋炊胡麻飯
薦以枸杞漿手摘石上茶風爐煮甘寒擾擾塵土中未易得此歡濯足山
下潭戲驚蛟龍蟠醉面索吹醒坐待風雷翻劉涇詩二首密竹流泉
不居熱洞門深沉風雨歇洗出清明快活天醉弄江南謝家月未逢仙
手破天荒我得披雲第一章它日愛奇思謝客却須因事憶劉郎葉適
好溪瀉百壑南北傾萬峯山几準俗阜映岸蒼為容石門忽秀出老幹

陰渚洪捨舟從口入便已離塵中衆芳拱窟宅環岡列奇穰藤蘿異態度
尺寸疑施功錦茵翠織成照耀無春冬水竹千丈高噴薄不可窮更有洗
頭盤深霧常彌封昔年謝康樂築居待其終繼作者丘裴語言亦稱雄依
然百世後未忝騷人風樓樓三羽衣日晏齋厨空云子歇過漿暫洗氛埃
胷自嘆苦淹留寂寞未易供嘆我老無用倭山允成翁結廬會昌側勢落
魚蝦叢種竹似束葦栽松如斷蓬小兒餽盤于何時至周公會當同此住
代輸助之春王孝嚴天下洞天三十六玄鶴洞天一仙谷兩山對峙
一如門深崖百丈垂飛瀑青牛往矣不復見白雲空鎖故山麓奇哉勝地
得人勝至今俗客來忘俗向來我實勞夢想一旦登臨快心目尋師訪道
語未罷扶藜上朝玄水淥九天雲絞漏霖雨一沼波翻濺瓊玉亭高噴雪
逼人寒地冷風霜滿空藪老龍底事不知倦雷澤千年無斷續必是分潢
天上來便欲窮源駕黃鸝康樂曾登最高處謫仙幾向岩前宿壁間禪壓
已有詩想見思泉傾萬斛安得前人不道句更與羲仙醉時讀千峰如峽
蒼波束二十四灘猶箭速轉頭溪風一棹寒但效雙鳬到山曲黃鶯
石門崔嵬摩雲端我欲扣之不可攀上有蒼松下喬木更著清泉通其間
淺流并岸車可入高峯環峙如拱揖藤崖苔石出恠奇道家樓觀巋然立

火雲赫奕飛長空嵐煙散盡天無風僕夫無汗氣喘喘我亦內熱盈胷中
行行直向山中處卧壑藤槎若無路鳥聲喚發毛骨清一道銀河忽然注
心融目恍疑登仙應有蛇龍潛深處何當為我捲此泉大作霖雨甦旱田
秋桂 海霞堆裏一蓬萊滿院桃花間綠苔泉水遠從天外落石門高
立日邊開一聲犬吠白雲起幾處龍吟山雨來料得遊人歸去後空山月
落老猿哀 鮮于樞 方外還知聖道尊洞天福地許平分瀑泉自作泮
池水石壁天開闕里門弦誦行者移舊俗汙山真解助斯文高情誰似劉
夫子不祀蘄金累子孫 任極 一派源泉來混混直從絕頂徹清溪平
分翠巘懸珠箔倒寫銀河立玉梯長似雷聲撼風雨忽隨日影見虹霓天
然萬態難描寫多少詩人賞品題 陳新之 揭來訪鶴行青田石門崔
嵬古洞天中有百尺之飛泉拋珠噴玉舞蛟涎晦明風雨千萬態分合變
化如雲烟威鳳回車虎鼓瑟此地分合巢神仙客來神仙惡涕唾唯許猿
狔相攀緣駟虬來驚米三秀牽車掛旗來翻翻山靈馳煙謝逋客綠羅花
落回風顛人間清福有如是擬跨白鹿青崖裏業緣未斷仙所鄙謂我如
何住城市 杜世學 山名行東南以茲巖下瀑虛空落千丈一日建萬
斛連蹇峴倒懸天矯龍下浴著林雪飛霽晴谷雨霖霖或流若貫珠或碎